

Bosengi ya makanisi mpo na kokanga St Dominic's Catholic Primary School

Likambo nyonso na mokuse

Tozali kosenga makanisi na yo mpo na likambo ya kokanga école primaire catholique St Dominique na mokolo ya 31 Août 2025. Oyo ezali ndelo ya yambo na nzela oyo esengeli tolanda oyo ekoki komema na kokanga école.

Na ba mbula oyo ewuti koleka, motuya ya bana ya âge ya école primaire na Hackney, mpe na bisika mingi ya Londres, ekiti. Tozali kokanisa ete ba ntina oyo ezali nsima na yango ezali motuya mwa moke ya bana bazali kobotama, bozangi ya ba ndako ya ntalo moke mpo na mabota, mpe na Brexit, mpe na maladi ya Covid oyo ebimaki kala mingi te. Bokiti ya motuya ya bana, oyo ememi motuya monene ya bisika ya kelasi oyo eleki mingi, mpe ekitisaki mbongo ya gouvernement central, esali ete ba écoles na biso ezali kokutana na mikakatano ya mpasi.

Na 2014, tozalaki na bana 2846 oyo babandaki ba écoles primaires na Hackney. Na sanza ya Mai 2024, motuya oyo ekitaki na bana 2203 oyo bazalaki kokota na liste ye Réception - bokiti ya 23%. Oyo etikaki bisika ya Réception 577 ya mpamba (sanza ya Mai 2024) - ekokani na ba kelasi 19 ya mpamba.

Ba écoles bazwaka mbongo epai ya gouvernement mpo na mwana moko na moko oyo azali na liste na bango. Ntalo ya mbula moko ya esika moko ya kelasi oyo etondisami te ezali pene na £6,000. Lokola motuya ya bisika oyo etondisami te na ba écoles primaires ya Hackney ezali komata kaka, tozali na mpasi ya kozwa mbongo oyo ezali komata kaka. Lokola mbongo ezali kokita, ba écoles ebele bazali komona mpasi mpo na kosala malamumu, to kopesa misala ya malonga lokola mibembo na ba visites libanda ya kelasi, ba clubs ya nsima ya kelasi, mpe masano mpo na bana. Council ekoki kopesa lisungi ya mbongo te na ba écoles oyo ekoki kowumela te, mpe esengeli kokoba kozwa mikano ya mpasi mpo na kosala ete ba écoles na biso ekozala malamumu mpo na mikolo oyo ekoya, mpe kobatela mateya ya bolamu oyo Hackney eyebani mpo na yango.

Na mbula ya kelasi oyo eleki (2023/24), esengelaki tozwa mikano ya mpasi ya kokanga écoles primaires minei. Tokangaki yango na sanza ya Juillet 2024. Tozwaki mokano oyo mpo bana bazalaki mingi te mpo na kobatela bango polele, mpe mpo ba écoles etikala kaka na mbongo. Ata soki mikano oyo ezali petee ata moke te, tozwaki yango na makanisi ya bolamu ya bana banso, na mokano ya kozala na lolenge moko ya école ya makasi na Hackney. Ba councils misusu ya Londres bazali kokutana na mikakatano ya ndenge moko oyo, bazali mpe kozwa mikano ya mpasi mpo na kokanga mpe kosangisa ba écoles.

Na mawa, ata soki tokangaki mwa ba écoles liboso na Hackney, tozali naino na bisika ya kelasi mingi mpenza koleka motuya ya bana mpo na kotondisa yango. Bana ya Réception bazalaki 2125 na liste ya ba écoles ya Hackney (17/9/2024), kasi tozali na bisika 2675. Oyo elingi koloba ete bisika ya likolo ezalaki 550 (21%) na sanza ya septembre oyo (2024), oyo ezali kobimisa mikakatano ya mbongo oyo ezali kokoba mpo na ba écoles na biso.

Mpo na nini tozali kosenga makanisi na yo?

Mokano na biso ezali ya kosala lolenge moko ya école ya makasi oyo mwana nyonso akoki kozwa expérience ya kelasi ya monene, mpe ya malonga. Oyo ekoki kosalema kaka soki ba écoles bakoki koyamba bana mingi na kati ya Numéro na bango ya kondima oyo babongisi liboso [Planned Admission Number -PAN] na ndenge bakoki, mpe komatisa mpenza mbongo oyo bazwaka. Na mawa, mpo na ba écoles primaires misusu ya Hackney, motuya ya bana oyo bakendaka na kealsi etikali moke mingi, mpe ememi na bozangi ya mbongo na ba écoles misusu oyo Council azali na makoki ya kobatela te.

Oyo esalemi na école primaire catholique ya St Dominic, mpe esengeli sik'oyo totala soki tokoki kokanga école. Tokokaki kolinga kosala bongo te, soki tokanisaki ete eyano ya malamumu mingi koleka ekokaki kozala.

Tolingi sik'oyo koyoka makanisi na yo mpo na likanisi ya kokanga St Dominic's Catholic Primary School (Ballance Rd, E9 5SR) na mokolo ya 31 Août 2025. Tokoyamba makanisi mpe/to biyano misusu oyo okoki kozala na yango mpo na avenir ya école. Makanisi na yo, mpe na biyano na yo ezali na ntina mpo na kosalisa biso tososola lisusu nini école elingi koloba mpo na bana, baboti/babateli, bato ya misala, mpe bato ya mboka.

Ecole primaire catholique ya St Dominic

St Dominic's ezali école primaire moko, oyo Ofsted amonaki 'Malamu' (2023). Na ba mbula oyo ewuti koleka, école oyo ezwaki mpasi lokola motuya ya bana ezali kokita na ba listes, mpe mpo na yango, na 2022, école ekitisaki PAN na yango Réception kolongwa na lolenge mibale ya kokota (bana ya kelasi 60 na mbula nyonso), tii na lolenge moko ya kokota ya mbula nyonso (30 bana ya kelasi na mbula nyonso).

Na Réception na mbula eleki, école ezalaki na bana 16 na liste mpo na bisika 30 oyo ekokaki kozala, tala Tableau 1.

Tableau 1 – Motuya ya liste ya Réception na 2 Réception 2023/24 (Botangi ya bato ya sanza ya Mai)

PAN (Réception)	Motuya ya bana na liste (Réception)	Bisika eleki	% ya bisika eleki ya PAN
30	16	14	47%

Na sanza ya mai 2024, école oyo ezalaki na bana ya kelasi 230 oyo bakomaki nkombo banda Réception tii na Year 6, na kati ya bisika 360 lokola emonisami awa na nse na Tableau 2.

Tableau 2 – Liste ya école mobimba 2023/24 (Botangi ya bato ya sanza ya Mai)

PAN (école mobimba)	Motuya ya bana na liste (école mobimba)	Bisika eleki	% ya bisika eleki ya PAN
360	230	130	36%

Na mokolo ya 17/9/2024, ezali kaka na bana 23 oyo bakomaki nkombo na kelasi ya Réception.

Mpo na nini tozali kokanisa kokanga école oyo?

Ata soki Ofsted emonaki ete St Dominic’s ezali école ya ‘Malamu’, ekutanaki na ba listes oyo ezali kokita na ba mbula oyo ewuti koleka. École oyo ezali na bildingi moko oyo ekoki koyamba bana 420, kasi ezali kaka na likoki ya kotondisa bisika oyo ekoki mpo na école oyo ezali moitié ya monene wana. Motuya ya ban aya kelasi oyo bazali na liste ekiti na 18%, na kati ya botangi ya bato na sanza ya Octobre 2021 mpe na 2023.

Na nsima ya kozongela lisusu situation ya mbongo ya école, mpe na miango mpo na bowumeli na mikolo oyo ekoya, Council endimi ete école ekoki kobatelama te sans kotya bolamu ya kelasi mpo na bana na likama, mpe sans kozala na conséquence mabe na bana na oyo bazali na niveau ya likolo ya mposa.

Bosangisi oyo akokaki kosalema na St Scholastica’s Primary School (Kenninghall Road, E5 8BS) batalaki yango, kasi ntaka na kati ya ba écoles bamonaki yango mosika mingi. Esengelaki bongo kobanda bosengi ya makanisi ya kokanga école.

Ekolinga koloba nini mpo na bana?

Bana nyonso oyo bazali na liste bakopesa bango bisika na ba écoles oyo ezali penepene na ba ndako na bango. Council ezali kokanisa mpo na kosala elongo na Diocèse catholique romain ya Westminster (RCDOW) mpo na kosunga mabota mpo na kokende na ba écoles misusu ya Catholique soki oyo nde eloko balingi mingi. Ba écoles catholiques oyo ezali penepene ezali St Elizabeth Catholic Primary School (Tower Hamlets), mpe na St Scholastica's Catholic Primary School (Hackney), nyonso mibale na ntaka ya miniti soki 35 na makolo na kolongwa na St Dominic's.

Mabota oyo ezali na bana oyo bazali na Plan ya Kelasi, Bolamu ya nzoto na Bobateli (EHCP) bakosunga bango mbala moko epai na Council's Special Educational Needs Service mpo na kosunga bango na ntango ya katikati, elongo na mabota oyo bazali na bana oyo bazwaka lisungi ya spécialiste. Ba demandes ya EHCP oyo ezali naino kosalema ekokoba kosalema na lisungi ya ba bayambi ya plan.

Mabota ya bana ya kelasi oyo bazali kozwa lisungi mpo na ba mposa ya kelasi ya spécialiste, mpe na bozangi ya makoki ya nzoto, kasi oyo bazali na EHCP te, bakozwa toli, mpe na bokambi ntango bakotala mbongwana na bopesi, to bisika. Basali ya misala ya bokonzi ya mboka bazali wana mpo na kopesa lisungi na ba écoles.

Tokosala elongo na bakambi ya ba écoles mpo na kosala ete bakotala malamumu mayoki ya mwana nyonso, bakosala ete mbongwana ya kelasi ezala malamumu mingi, na biskika oyo ya mabaku ya kozwa baninga ya sika, mpe komeka mpo misala ndenge na ndenge ezali na ntina mingi.

Ekolinga koloba nini mpo na mwana na ngai soki akozala na école mosusu, mpe école wana ekozala ya monene koleka?

Toyebi ete mpo na bana basusu ya St Dominic's, kokende na école mosusu, mpe oyo ekozala ya monene ekoki kozala mpasi. Ata soki école ya sika ekomonana ndenge mosusu mpo na mwana na yo, tokosala ete bazwa lisungi ya malamumu mpo na komesana noki. Tolingi koyoka mingongo ya bana na kati ba choix oyo tokotala, yango wana tokosenga lisungi ya école mpo na kosangisa makanisi na mayoki na bango.

Ndenge nini mosala ya koyamba bango ekosalema?

Mosali ya boyambi oyo bakopesi akosalisa yo na nsango, mpe na lisungi mpo na kosenga bisika misusu ya kelasi, mpo na kotala makambo nyonsp, mpe na mitungisi nyonso oyo ozali na yango. Ozali na droit ya kosenga na ba écoles misusu, mpe kokende na bana na yo na ntango nyonso.

Soki ozali na bana oyo bazali na Plan ya Kelasi, Bolamu ya nzoto na Bobateli (EHCP) bakozwa contact na yo nokinoki mpo na kobanda masolo mpo na ba écoles

misusu oyo olingi soki council ezwi mokano na sanza ya Avril 2025 ya kokanga St Dominic's. Molongo ya ntango mpo na kokanga elakisami na tableau oyo ezali awa na nse oyo babengi 'Timeline'.

Ekolinga koloba nini mpo na bato ya misala na Mokambi (Headteacher) ya école?

Kokanga St Dominic's ekozala na conséquence mpo na bato ya misala nyonso, mpe na Headteacher. Council ekopesa bato ya misala nyonso lisungi mpo na kozala na elikia ya kosenga misala ya sika. Ekoki kozala na mabaku ya kozwa misala misusu oyo ezali na kati ya Council, mpo na bato ya misala oyo bazali lisusu na mosala. Likambo na biso ya liboso ekozala ya kosala ete bato ya misala oyo bazali na likama ya kozala lisusu na mosala te, bakosunga bango na ntango ya katikati, kaka ndenge moko tokozala kosunga bana na mabota na biso. Oyo ekozala na programme ya lisungi, toli, na mosala ya stage, mpe na bozwi ya programme ya lialisi ya bato ya misala ya Council, mpo na kopesa toli ya sekele nyonso.

Mbongwana ekozala na bildingi ya école?

Esika ya St Dominic's ezali ndambo ya RCDOW mpe ya Council. Soki école ekanami, ekosengela Council na Diocèse batala ba choix misusu mpo na mosala oyo bakosala na yango na mikolo ekoya.

Nini ekosalema na nsima?

Mokanda oyo ezali na kati ya bosengi ya makanisi ya bato banso ya mposo motoba mpo na likanisi ya kokanga St Dominic's Catholic School. Bpsengi ya makanisi ebandaki na mokolo ya 8 Octobre, mpe ekosuka na mokolo ya 19 Novembre 2024, na ngonga ya 17h.

Ezali na banzela mingi oyo okoki koyanola na bosengi ya makanisi, mpe oyo elakisami na nsuka ya mokanda oyo.

Council ekotala makanisi nyonso oyo bakopesa na kati ya bosengi ya makanisi oyo liboso ya kozwa mokano soki bakobimisa makanisi oyo mibeko esengi. Soki babimisi makanisii, ekozala na ntango mosusu mpo na ba commentaires, oyo babengaka ntango ya makanisi (representation period). Oyo ekowumela mikolo 28. Mokano ya nsuka ekozama na Cabinet ya Hackney na mokolo mosusu nsima. Molongo ya ntango mpo na likanisi oyo elakisami na tableau oyo ezali awa na nse (bakoki kobongola ba dati).

Molongo ya ntango (Timeline)

Dati	Likambo
8 Octobre - 19 Novembre 2024	<p>Bosengi ya makanisi ya moto nyonso</p> <p>Ba dati ya mitingi ya baboti/babateli, mpe na libaku ya mosala mosusu oyo bakolimbola yango moko epai na St Dominic's Catholic Primary School.</p> <p>Makanisi na biyano na yo ezali na ntina mpo na kosunga biso mpo tososola nini école elingi eloba mpo na bana, baboti/babateli, bato ya misala, mpe na bato ya mboka.</p>
Janvier 2025	Bakotala makambo oyo bazwui na bosengi ya makanisi ya bato nyonso epai na Cabinet ya Hackney. Mokano ekosalema ya kobimisa liyebisi ya mibeko mpo na kokanga St Dominic's School.
Février - Mars 2025	Babimisi liyebisi ya mibeko mpo na ntango ya makanisi ya poso minei.
Avril 2025	Bozwi ya ntango ya makanisi, mpe na makambo baboyi bakotala yango na Cabinet, mpe bakobimisa mokano ya nsuka mpo na likanisi ya kokanga.
Trimestre ya Été ya 2025	Mabongisi ya kokanga école ekosalema (na ndenge ya mokano ya Cabinet), soki bandimi makanisi.
31 Août 2025	Bakangi libela St Dominic's Catholic Primary School.
Septembre 2025	Bana ya kelasi ya kala ya St Dominic's babandi na ba écoles na bango ya sika.

Ndenge nini nakoki kozwa nsango misusu?

Okoki koyeba makambo mingi mpo na likanisi oyo epai na site ya internet ya Hackney Education na bit.ly/school-proposals

Ndenge nini nakoki koyanola na bosengi ya makanisi oyo ?

Okoki kopesa makanisi na yo na likanisi oyo na nzela ya:

- kotondisa formulaire ya eyano oyo ekangami na mokanda oyo ya bosengi ya makanisi, to
- na nzela ya Internet na kofina na lien oyo elandi: bit.ly/school-proposal-consultation
- to na kotala na consultation.hackney.gov.uk

Soki oponi kotondisa formulaire ya eyano ya mokanda, tosengi okende kopesa yango na bureau ya école St Dominic, to otinda yango na poste na:

Hackney Council
Education Services
School Place Planning
Hackney Service Centre, 3rd Floor
1 Hillman Street
London, E8 1DY

Dati ya kokanga mpo na makanisi mpe biyano ezali mokolo ya **mardi 19 Novembre 2024 na ngonga ya 17h.**

Soki ozali na mituna mpo na likanisi oyo, tinda email na school.sufficiency@hackney.gov.uk

Soki ozali na mposa ya mokanda oyo na lolenge mosusu, benga biso mpe tokozongela yo na kati na mikolo mitano ya mosala oyo ekoya.

Lisakoli ya bozwi: Soki ozali ma mposa ya mokanda oyo na lolenge mosusu, tinda email na school.sufficiency@hackney.gov.uk

Tokotala bosengi na yo, mpe tokozongela yo na kati ya mikolo mitano ya mosala.

If you would like to find out what this document says please tick the appropriate box, put your name, address and phone number at the bottom of this page and return it to the address below.

- এই দলিলে কি লেখা আছে সে সম্পর্কে যদি আপনি জানতে চান তাহলে অনুগ্রহ করে উপযুক্ত বাক্সে টিক দিন, এই পাতার নীচে আপনার নাম, ঠিকানা ও ফোন নম্বর লিখুন এবং এটি নীচের ঠিকানায় ফেরত পাঠান। (Bengali)
- 如果你想知道這分文件的詳細內容，請在方框內打鉤，在本頁下面寫下你的名字、地址和電話號碼並寄到下面的地址。 (Chinese)
- Si vous désirez connaître le contenu de ce document, veuillez cocher la case appropriée et indiquer votre nom, adresse et numéro de téléphone au bas de cette page et la renvoyer à l'adresse indiquée ci-dessous. (French)
- Ger hun dixwazin bizanibin ku ev dokument çî dibêje, ji kerema xwe qutika minasib îşaret bikin, nav, navnîşana û hejmara telefona xwe li jêrê rûpel binivîsin û wê ji navnîşana jêrîn re bişînin. (Kurdish)
- Jeśli chcesz dowiedzieć się, jaka jest treść tego dokumentu, zaznacz odpowiednie pole, wpisz swoje nazwisko, adres i nr telefonu w dolnej części niniejszej strony i przeslij na poniższy adres. (Polish)
- Haddii aad jeclaan lahayd in aad ogaato waxa dokumeentigani sheegayo fadlan calaamadi godka ku haboon, ku qor magacaaga, cinwaanka iyo telefoon lambarkaaga boggan dhankiisa hoose ka dibna ku celi cinwaanka hoose. (Somali)
- Si desea saber de lo que trata este documento, marque la casilla correspondiente, escriba su nombre, dirección y número de teléfono al final de esta página y envíela a la siguiente dirección. (Spanish)
- Bu dökümanda ne anlatıldığını öğrenmek istiyorsanız, lütfen uygun kutuyu işaretleyerek, adınızı, adresinizi ve telefon numaranızı bu sayfanın alt kısmına yazıp, aşağıdaki adrese gönderin. (Turkish)
- اگر آپ یہ جاننا چاہتے ہیں کہ دستاویز میں کیا لکھا ہے تو ازراہ کرم مناسب باکس میں صحیح کا نشان لگائیے اور اپنا نام، پتہ اور فون نمبر اس صفحہ کے نیچے لکھیے اور اسے نیچے دئے گئے پتہ پر واپس بھیج دیجئے۔ (Urdu)
- Nếu bạn muốn biết tài liệu này nói gì hãy đánh dấu vào hộp thích hợp, điền tên, địa chỉ và số điện thoại của bạn vào cuối trang này và gửi lại theo địa chỉ dưới đây. (Vietnamese)
- אויב ווילט איר וויסן וואס דער דאָקומענט זאגט, ביטע טיק די פאסיע קעסטל, שרייב דיין נאָמען, אַדרעס און טעלעפאָן נומער און שיק עס צוריק צו די אַדרעס אונטן. (Yiddish)

If you would like this document in any of the following formats or in another language not listed above, please complete and send the form to the address below. In large print In Braille On disk On audio tape

In another language, please state: _____

Name: _____

Address: _____

Telephone: _____

Return to: Freepost, LBH
Consultation Team, Hackney Town
Hall, Mare Street, London, E8 1EA